

ſchup vnde vulborde. Duffes alles to eyner bekanteniffe hebben wy, Wernerus abt vnde ganze convent vor vns vnde vnſe natomelinge vnſer ebdie vnd conventes ingeſegele ſamp-
liken vnd wittliken gehenghet heten an deſſen breff, na Chriſti gebort verteynhundert jar darna in dem ſeß vnde achtegeſten jare in funte Thomas avende des hilgen apoſtels.

7.

Das Kloſter Wülſinghauſen übergiebt an Dietrich Hake 5 Hoffſtellen zu „Renwerſſen“ ¹⁾ gegen eine jährliche Abgabe von 2 Mark und 5 Hühnern.
1512, Oct. 29.

Abschr. d. 18. Jahrh. in der Kgl. Bibl. zu Hannover.

Wy Hinricus Kempe probeſt, Elizabet Ruſſcheplate priorinne unde de ganze convent des cloſters to Wulfinhußen bekennen openbar in duffem breve vor alsweme, dat wy gedan hebben Diderike Haken, Kyren ſyner huſfruwen, Engeln ſiner dochder de tyd ores lebendes vyff hoffſtede to Renwerſſen belegen, dar ſcüllen ſe jarlikes van geben unſem cloſter 2 marck und vyff honer. Wen duſſe dre lyffvorvallen ſint van dodes wegen, dat god friſte na ſynen gnaden, ſo wille wy der vyff hoffſtede mechtich ſyn to voranderen ²⁾ weme wy willen. Duſſe vorgheſcreven ſtucke love wy vorbenompte probeſt, priorinne unde de ganze convent des cloſters to Wulfinhußen den erbenompten Diderike Haken, Kyren ſiner huſfruwen unde Engeln ſiner dochter wol to holdende ſunder alle liſth unde hebben des tho merer wiſſenheynt unſes cloſters ingeſegel wittliken don hangen an duſſen breff. Na der gebort Criſti unſes heren viſfteynhundert darna in dem twolfften jar altera die Simonis et Iudae.

¹⁾ Wüſt bei Eldaſen. — ²⁾ voranderen = in die Hand eines anderen bringen, verkaufen, vertauſchen.